

大家早起見婢命終恚而言曰此婢恒常不聽入舍今暮何故乃於此死即便使人草索繫脚拽置寒林中時彼天中有一天子有五命終此老母人即代其處生天之法其利根者自知來緣鈍根生者但知受樂尔時此女既生天中與五百天子娛樂受樂不知生緣時舍利弗在忉利天知此天子生天因緣問言天子汝因何福生此天中答言不知時舍利弗借其道眼觀見故身生天因緣由迦旃延即將五百天子來至寒林散花燒香供養死屍諸天光明照耀村林大家見變恠其所由告令近遠詣林觀看見諸天子供養此屍即問天曰此婢醜穢生存之時人猶惡見況今已死何故諸天而加供養彼時天子具說本末生天因緣即皆迴詣迦旃延所為諸天人廣說妙法所謂施論戒論生天之論欲不淨法出離為樂尔時彼天及五百天子遠塵

北二末

離垢得法眼淨飛還天宮時諸會眾聞此法已各獲道迹乃至四果莫不歡喜頂戴奉行敬禮而去

賢愚因緣經卷第四

盤四

老耄報下莫馱咳代下胡門閫下苦採音卓剋烏官

鎧口改反又塞騎下桑則反劔稍下音大肋

得下音撥撒列下直爆反必教居宜反擘裂陌反箭鋤反古荷

加音敦反丁昆瀨利上音拘執屬也毘毘二字音

茸而容反措反口皆日曝下音一音瀾木反激上音涸音鶴

舐神只反達觀上音達下音羊瀾下音嬈音達又門

揮下音刎頸上音粉反滂沛下音蓋反滅適音渾沌

上胡本反鏹慈上音舉貸下他咽於見瑰偉上音

下徒本反般瑟上音風鞭捶下音春炊上音容反

反鍛丁亂反般瑟下音風鞭捶下音春炊下音容反

賢愚因緣經卷第五 樂五

元魏沙門慧覺在高昌郡譯

金天緣品第二十三

如是我聞一時佛在舍衛國祇樹給孤獨園時此國中有一長者其家大富財寶無數生一男兒身體金色長者欣慶即設施會請諸

相師令占吉凶時諸相師抱兒看省見其奇相喜不自勝即為立字名脩越那提婆晉言金天此兒福德極為純厚其生之日家中自然出一井水縱廣八尺深亦如其水汲用能稱人意須衣出衣須食出食金銀珍寶一切所須作願取之如意即得兒年轉大才藝博通長者愛之未敢逆意而作是念我子端正容貌無倫要當推求選擇名女形容色狀殊姿越群金容妙體類我兒者當往求之即募諸賈周遍求之時間彼國有大長者而生一女字修跋那波婆蘇晉言金也明也端正非凡身體金色晃昱照人細滑光澤初生之日亦有自然八尺井水其井亦能出種種寶衣服飲食稱適人情時彼長者亦自念言我女端正人中英妙要得賢士形色光暉如我女比乃當嫁與共為婚姻介時女名遠布舍衛金天名稱復聞女家時二長者各懷歡喜即各相詣求為婚姻娶婦已竟還至舍衛時金天家便設

上供請佛及僧供養一日佛受其請往至舍食食已攝鉢具為長者金天夫婦廣演妙法開解其心金天夫妻及其父母即時壞破二十億洞然之惡心情開解獲須陀洹介時世尊便還精舍於是金天與金光明俱白父母求索出家父即聽許俱往佛所誓首佛足作禮繞竟求入佛道佛尋聽可讚言善來比丘鬚髮自墮法衣著身便成沙門於是金天在比丘眾金光明比丘尼付大愛道漸漸教化悉成羅漢三明六通具八解脫一切功德悉皆具足阿難白佛不審世尊金天夫婦本造何行自生以來多財饒寶身體金色端正第一得此一井能稱一切唯願如來當具宣示佛言阿難乃往過去九十一劫時世有佛号毗婆尸佛既滅後遺法在世後有諸比丘遊行教化到一村落有諸人民豪賢長者見眾僧至各競供設衣被飲食無有乏短時有夫妻二人貧餓困乏每自惟念我父在時財寶

盤五

二

積滿富溢難量今者我身貧困極甚坐卧草
蓐衣不蓋形家無升斗何其苦耶尔時雖富
財寶無量不遭斯等衆聖之僧今既得值無
錢供養思惟是已愴然而啼懊惱墮淚墮婦
臂上婦見夫涕而問之言有何不吉懊惱若
是誓荅婦言汝不知耶今有衆僧適過此村

豪賢居士咸興供養我家貧乏獨無升斗於
此衆僧不種善緣今者貧困來世又劇我惟
此已是故泣耳婦荅誓言今當如何正欲供
養無有錢寶雖有空意不遂其願婦語誓言
今汝可往至本舍中於故藏內推覓錢寶若
苟得之當用供養時夫如言至故藏內通行
推覓得一金錢持至婦所于時其婦有一明
鏡即共合心當用布施買一新瓶盛滿淨水
以此金錢著瓶水中以鏡著上持至僧所到
已至心用布施僧於時衆僧即爲受之各各
取水而用洗鉢復有取水而飲之者時彼夫
婦歡喜情悅作福已竟遇疾命終生忉利天

佛告阿難尔時貧人持一瓶水布施僧者今
此金天夫婦是也由其前世持一金錢及一
瓶水并此明鏡施衆僧故世世端正身體金
色容儀是是殊妙無比九十一劫恒常如是
由于尔時有敬信故得離生死逮得應真阿
難當知一切福德不可不作如彼貧人以少

盤五

三

施故乃獲如是無量福報尔時阿難及諸衆
會聞佛所說咸興施心勤加福業歡喜奉行
重姓緣品二十四

如是我聞一時佛在舍衛國祇樹給孤獨園
尔時國中有豪長者財富無量唯無子息每
懷悒遲禱祀神祇求索一子精誠欵篤婦便
懷妊日月滿足生一男兒其兒端正世所希
有父母宗親值時燕會共相合集詣大江邊
飲酒自娛父母持兒詣其會所父愛此兒順
座擔舞父舞已竟母復擔之歷坐擎騰歡喜
自樂臨到河邊意卒散乱執之不固失兒墮
水尋時搏撮竟不能得于時父母憐愍此兒

愛著傷懷絕而復蘇其兒福德竟復不死至
河水中隨水沉浮時有一魚吞此小兒雖在
魚腹猶復不死時有小村而在下流有一富
家亦無子姓種種求索困不能得而彼富家
恒令一奴捕魚販賣僕輸大家其奴日日捕
魚為業值時捕得吞小兒魚割腹看之得一

小兒面貌端正得已歡喜施與大家大家觀
之而自慶言我家由來禱祠神祇求索子息
精誠報應故天與我即便摩捫乳哺養之時
彼上村父母聞下村長者魚腹中得兒即往
其所追求索之而語之言此是我兒我於彼
河而失是子今汝得之願以見還時彼長者
而荅之曰我家由來禱祀求子今神報應賜
我一兒君之亡兒竟為所在紛紜不了詣王
求斷於是二家各引道理其兒父母說是我
兒我於其時失在河中而彼長者復自說言
我於河中魚腹得之此實我子非君所生王
聞其說靡知所如即與二家評詳此事鄉二

長者各認此兒今若與一於理不可更互共
養至兒長大各為娶婦安置家業二處異居
此婦生子即屬此家彼婦生兒即屬彼家時
二長者各隨王教兒年長大俱為娶婦經營
所須無有乏短于時其兒白二父母我生以
來遭罹艱苦墮水魚吞垂死得濟今我志意

盤五

四

欲得出家唯願父母當見聽許時二父母心
愛此兒不能拒逆即便聽許其兒即辭往至
佛所誓首佛足求索入道佛即聽之讚言善
來比丘頭髮自墮即成沙門字曰重姓佛為
說法得盡諸苦即於座上成阿羅漢阿難白
佛不審世尊此重姓比丘本作何行種何善
根而今出世墮水魚吞而故不死佛告阿難
汝且聽之吾當為說過去久遠有佛世尊号
毗婆尸集諸大眾為說妙法時有長者來至
會中聞其如來廣說大法布施之福持戒之
福聞已歡喜信心猛烈即從彼佛受三自歸
受不殺戒復以一錢布施彼佛由是之故世

世受福財寶自恣無有乏短佛告阿難欲知
尔時長者子者今重姓比丘是也由其尔時
施佛一錢九十一劫恒富錢財至於今世二
家父母供給所須受不殺戒故墮水中魚吞
不死受三自歸故今值我世沐浴清化得羅
漢道尔時阿難及與眾會聞佛所說遵修善
行敬重佛教歡喜信受頂戴奉行

散檀寧綠品二十五

如是我聞一時佛在舍衛國祇樹給孤獨園
尔時世尊與諸弟子千二百五十人俱尔時
國中有五百乞兒常依如來隨逐眾僧乞匄
自活經歷年稔厭心內發而作是言我等諸

盤五

五

人雖蒙僧福得延餘命苦事猶多咸作是念
我等今者寧可從佛求索出家共詣佛所於
是眾人即共白佛如來出世甚為難遇我等
諸人生在下賤蒙尊遺恩濟活身命既受殊
養貪得出家不審世尊寧可得尔時世尊
告諸乞兒我法清淨無有貴賤譬如淨水洗

諸不淨若貴若賤若好若醜若男若女水之
所洗無不淨者又復如火所至之處山河石
壁天地所有無大無小一切万物其被火者
無不焦燃又復我法猶如虛空男女大小貧
富貴賤有入中者隨意自恣時諸乞兒聞佛
所說普皆歡喜信心倍隆歸誠向佛求索入
道世尊告曰善來比丘鬚髮自墮法衣在身
沙門形相於是具足佛為說法心開意解即
盡諸備成阿羅漢於時國中諸豪長者庶民
之等聞諸乞兒佛聽入道皆興慢心而作是
言云何如來聽此乞匄下賤之人在眾僧次
我等諸人儻修福業請佛眾僧供養食時奈
何令此下賤之徒坐我牀席捉我食器尔時
太子名曰祇陀施設供具請佛及僧遣使白
佛唯願世尊明受我請及比丘僧因令白佛
所度乞兒作比丘者我不請之慎勿將來佛
便受請明日食時佛及眾僧當應請時告諸
乞兒比丘吾等受請汝不及例今可往至鬱

單越取自然成熟粳米還至其家隨意坐次
自食粳米時諸比丘如命即以羅漢神足往
彼世界各各自取滿鉢還來攝持威儀自隨
次第乘虛而來如鴈王飛至祇陀家隨次而
坐各各自食於時太子觀衆比丘威儀進止
神足福德敬心歡喜歎未曾有而白佛言不
審世尊此諸賢聖大德之衆威神巍巍衆相
具足爲從何方而來至此甚可欽敬唯願如
來今當爲我說其徒衆本末因緣佛告祇陀
若欲知者善心聽之當爲汝說此諸比丘正
是昨日所不請者吾及衆僧向者欲來應太
子請此諸比丘以不請故往鬱單越取自然

盤五

六

粳米而自食之亦時祇陀聞說是語極生慚
愧懊惱自責我何愚蔽不別明闇又復言曰
世尊功德難可思議此諸乞兒於此國中最
爲下賤今日乃得稟受清化最蒙洪澤既受
現世安樂身福復獲永世無爲之樂如來今
日所以出世但爲此輩更不存餘又復世尊

不審此徒往古世時種何善行修何功德今
值世尊特蒙殊潤復造何咎從生以來乞匄
自活困苦乃尔世尊慈愍幸見開示佛告之
曰若欲知之宜善心聽吾當爲汝具足解說
如是本末諾當善聽尔時世尊便告祇陀過
去久遠無量無數不可思議阿僧祇劫此閻

浮提有一大國名波羅捺有一山名曰利師

佛言古昔諸佛多任其中若無佛時有辟支

佛依其任止假使復無辟支佛時有諸五通
學仙之徒復依止住終無空廢尔時山中有
辟支佛二千餘人恒止其中於時彼國有火
星現是其惡災此星已現十二年中國當乾

旱無有天雨不得種植國必破矣是時國內
有一長者名散檀寧其家巨富財穀無量恒
設供具給諸道士時千使士住至其家求索
供養而作是言我等諸人住在彼山值國枯
旱乞食叵得長者若能供我食者當住於此
若不見與當至餘方長者於時即問藏監今

盤五

七

我藏中所有穀米足供此諸大士食不吾欲請之藏監對曰唯願時請所有穀食饒多足供長者即請千辟支佛飲食供養彼殘千人復詣其家亦求供養長者復問其藏監曰卿所典藏穀食多少更有千人亦欲設供足能辦不其藏監言所典藏食想必足矣若欲使供宜可時請於時長者即便請之差五百使供設飲食時設使人執作食具經積年歲厭心便生並作是說我等諸人所以辛苦皆由此諸乞兒之等尔時長者恒令一人知白時到時此使人養一狗子若往白時狗子逐往日日如是尔時使人卒值一日忘不往白狗子時到獨往常處向諸大士高聲而吠諸辟支佛聞其吠聲即知來請便至其家如法受食因白長者天今當雨宜可種植長者如言即令諸作人費持作器勲力種耕大麥小麥一切食穀悉皆種之經數時間所種之物盡變為瓠長者見已恠而問之諸大士曰此事

無苦但勤加功隨時澆灌如言勤灌其後成熟諸瓠皆大復加繁盛即擘看之隨所種物成治淨好麥滿其中長者歡喜合家藏積其家滿溢復分親族合國一切咸蒙恩澤是時五百作食之人念言斯之所獲果實之報將由斯等大士之恩我等云何惡言向彼即往其所請求改悔大士聽之悔過已竟復立誓言願使我等於將來世遭值賢聖蒙得解脫由此之故五百世中常作乞兒因其改悔復立誓故今遭我世蒙得過度太子欲知尔時大富散檀寧者豈異人乎我身是也時藏監者今須達是時日日往白時到人者優填王是時狗子者由其吠故世世好音美音長者是也尔時五百作食之人今此五百阿羅漢是尔時祇陀及衆會者觀其神變感佛功德剋心精勤有得初道及四果者復有專修快士行者復有興心求佛道者各各精勤求遂本心歡喜踊躍頂戴奉行

五

八

月光王頭施緣二十六

如是我聞一時佛在毗舍離菴羅樹園中。爾時世尊告賢者阿難其得四神足者能任壽一劫。吾四神足極能善修。如來今者當壽幾許。如是至三。於時阿難為魔所迷。聞世尊教默然不對。又告阿難汝可起去靜處思惟。賢者阿難從坐而起。往至林中。阿難去後。時魔波旬來至佛所。白佛言世尊處世教化已久。度人周訖。蒙脫生死數如恒少。時年又老。可入涅槃。於時世尊地取少土著於爪上。而告魔言。地土為多。爪上多取。魔答佛言。地土極多。非爪上土。佛又告言。所度衆生如爪上土。餘殘未度如大地土。又告魔言。却後三月當般涅槃。於時波旬聞說是已。歡喜而去。爾時阿難於林中坐。忽然眠睡。夢見大樹普覆虛空。枝葉蒼蒼華果茂盛。一切羣萌靡不蒙賴。其樹功德種種奇妙。不可稱數。旋風卒起。吹激其樹枝葉壞碎。猶如微塵滅於力士所住

之地。一切羣生莫不悲悼。阿難驚覺。怖不自寧。又自思惟。所夢樹者。殊妙難量。一切天下咸賴其恩。何緣遇風碎壞。如是而今。世尊覆育一切。猶如大樹。將無世尊欲般涅槃。作是念已。甚用戰懼。來至佛所。為佛作禮。而白佛言。我向所夢如斯之事。將無世尊欲般涅槃

盤五

九

佛告阿難。如汝所言。吾後三月當般涅槃。我向問汝。若有得四神足者。能任壽一劫。吾四神足極能善修。如來今日能壽幾何。如是滿三。而汝不對。汝去之後。魔來勸我。當取涅槃。吾已許之。阿難聞此。悲慟迷荒。悶惱惘塞。不能自持。其諸弟子展轉相語。各懷悲悼。來至佛所。爾時世尊告於阿難及諸弟子。一切無常。誰得常存。我為汝等應作已。作應說已。說汝等但當勤精修習。何為憂感無補。無行時舍利弗聞乎。世尊當般涅槃。深懷歎感。因而說曰。如來涅槃。一何疾也。世間眼滅。永失恃怙。又白佛言。我今不忍見於世尊。而取滅度。

今欲在前而入涅槃唯願世尊當見聽許如是至三世尊告曰宜知是時一切賢聖皆當寂滅時舍利弗得佛可已即正衣服長跪膝行遶佛百匝來至佛前以若干偈讚歎佛已捉佛手足擎戴頂上如是滿三合掌侍佛因而言曰我今最後見於世尊叉手敬肅却行而去將沙彌均提詣羅閱祇至本生地到已即勅沙彌均提汝往入城及至聚落告國王大臣舊故知識諸檀越輩來共取別念時均提禮師足已遍行宣告我和上舍利弗今來在此欲般涅槃諸欲見者宜可時往念時阿闍世王及國豪賢檀越四輩聞均提語皆懷慘悼異口同音而說是言尊者舍利弗法之大將衆生之類之所視仰今般涅槃一何疾哉各自馳奔來至其所前爲作禮問訊訖竟各共白言承聞尊者欲捨身命至于涅槃我曹之類失於恃怙時舍利弗告衆人言一切無常生者皆終三界皆苦誰得安者汝等宿

慶生值佛世經法難聞人身難得念勤福業求度生死如是種種若干方便廣爲諸人隨病投藥念時衆會聞其所說有得初果乃至三果或有出家成阿羅漢者復有誓心求佛道者聞說法已作禮而去時舍利弗於其後夜正身正意繫心在前入於初禪從初禪起

盤五

十

入第二禪從第二禪起入第三禪從第三禪起入第四禪從第四禪起入空處定從空處起入於識處從識處起入不用處從不用處起入非有想非無想處從非有想非無想處起入滅盡定從滅盡定起而般涅槃時天帝釋知舍利弗已取滅度與多天衆百千眷屬各賣華香供養之具來至其所側塞虛空咸各悲叫喚如盛雨普散諸華積至于膝復各言曰尊者智慧深於巨海捷辯應機音若涌泉戒定慧具法大將軍當逐如來廣轉法輪其取涅槃何其速哉城聚內外聞舍利弗已取滅度悉賣酥油華香供具馳走悉集悲痛

戀惜不能自勝各持華香而用供養時天帝釋毗首羯摩合集眾寶莊校高車安舍利弗在高車上諸天龍鬼國王臣民侍送號咷至平博地時天帝釋勅諸夜叉往大海邊取牛頭栴檀夜叉受教尋取來還積為大積安身上酥油以灌放火耶旬作禮供養各自還

去火滅之後沙弥均提斂師舍利盛著鉢中攝其三衣擔至佛所為佛作禮長跪白佛我和尚舍利弗已般涅槃此是舍利此是衣鉢時賢者阿難聞說是語悲悼憤悶益增感切而白佛言今此尊者法大將軍已取涅槃我何憑怙佛告之曰此舍利弗雖復滅度其戒

盤五

十一

定慧解脫解脫知見如是法身亦不滅也又舍利弗不但今日不忍見我取般涅槃而先滅度過去世時亦不堪忍見於我死而先我前死賢者阿難合掌白佛不審世尊往昔先取死其事云何願為解說佛告阿難過去久遠無量無數不可思議阿僧祇劫此閻浮

提有一國王名旃陀婆羅脾晉言統閻浮提八万四千國六万山川八十億聚落王有二万夫人絲女其第一夫人名須摩檀晉言一万大臣其第一者名摩旃陀晉言王有五百太子其最大太子名曰尸羅跋陀晉言王所住城名跋陀者婆賢壽其城縱廣四百由旬

金銀琉璃頗梨所成四邊凡有百二十門街陌里巷齊整相當又其國中有四行樹亦金銀琉璃頗梨所成或金枝銀葉或銀枝金葉或琉璃枝頗梨葉或頗梨枝琉璃葉有諸寶池亦金銀琉璃頗梨所成其池底沙亦是四寶其王內宮周四十里純以金銀琉璃頗梨

國中豐潤人民使樂珍奇異妙不可稱數亦時其王坐於正殿忽生此念夫人處世尊榮豪貴天下敬瞻發言無違珍妙五欲應意而至斯之果報皆由積德修福所致譬如農夫由春廣種秋夏豐收春時復到若不勤種秋夏何望吾今如是由先修福今獲妙果今復

不種後亦無望作是念已告諸羣臣今我欲出珍妙寶藏置諸城門及著市中設大檀施隨其衆生一切所須盡給與之并復告下八万四千諸小國土悉令開藏給施一切衆臣曰善敬如王教即堅金幢擊於金鼓廣布宣令騰王慈詔遠近內外咸令聞知於時國內沙門婆羅門貧窮孤老有乏短者強弱相扶雲起雨集須衣與衣須食與食金銀珍寶隨病醫藥一切所須稱意與之間淨提內一切臣民蒙王恩澤快樂無極歌頌讚歎盈於衢路善名遐宣流布四方無不欽仰慕王恩化於時邊表有一小國其王名曰毗摩斯那聞

聖五

十二

月光王美稱高大心懷嫉妬寢不安席即自思惟月光不除我名不出當設方便請諸道士募求諸人用辦斯事思惟是已即勅請喚國內梵志供養饍膳百味飲食恭敬奉事不失其意經三月已告諸梵志我今有憂纏綿我心夙夜反側何方能釋汝曹道士是我所

奉當思方便佐我除滅諸婆羅門共白王言王有何憂當見示語王即言曰彼月光王名德遠著四遠承風我獨卑陋無此美稱情志所願欲得除之作何方便能辦此事諸婆羅門聞說是語各自言曰彼月光王慈恩慧澤潤及一切悲濟窮厄如民父母我等何心從

此惡謀寧自殺身不能爲此即各罷散不顧供養時毗摩斯那益增愁憤即出廣募周遍宣令誰能爲我得月光王頭共分國半治以女妻之今時山脅有婆羅門名曰勞度差聞王宣令來應王慕王甚歡喜重語之言苟能成辦不違信誓若能去者當以何日婆羅門

曰辦我行道糧食所須却後七日便當發引婆羅門作呪自護七日已滿便來拜王王供給所須進路而去時月光國豫有種種變性興現地處處裂曳電星落陰霧晝昏雷電霹靂諸飛鳥輦於虛空中悲鳴感切自拔羽翼虎豹豺狼禽獸之屬自投自擲跳踉嗚叫八

聖五

三

万四千諸小國王皆夢大王金幢卒折金鼓
卒裂大月大目夢鬼奪王金冠各懷憂愁不
能自寧時城門神知婆羅門欲乞王頭亦用
憤憤遮不聽入時婆羅門繞城數帀不能得
前首陀會天知月光王以此頭施於檀得滿
便於夢中而語王言汝誓布施不逆衆心乞
者在門無由得前欲爲施主事所不然王覺
愕然即勅大月汝往詣門勅勿遮人大月大
臣往到城門時城門神即自現形白大月言
有婆羅門從他國來懷挾惡心欲乞王頭是
以不聽大臣荅曰若有此事是爲大災然王
有教理不得違當奈之何時城門神便休不
遮大月大臣即自思惟若此婆羅門必乞王
頭當作七寶頭各五百枚用貨易之即勅令
作時婆羅門往至殿前高聲唱言我在遐方
聞王功德一切布施不逆人意故涉遠來欲
有所得王聞歡喜迎爲作禮問訊行道不疲
極耶隨汝所願國城妻子珍寶車乘輦象

馬七寶奴婢僕使所有欲得皆當與之婆羅
門言一切外物雖用布施福德之報未爲弘
廣內身布施其福乃妙我故遠來欲得王頭
若不孤逆當見施與王聞是語踊躍無量婆
羅門言若施我頭何時當與王言却後七日
當與汝頭尔時大月大臣擔七寶頭來用曉
謝腹拍其前語婆羅門言此王頭者骨肉血
合不淨之物何用索此今持尔所七寶之頭
以用貨易汝可取之轉易足得終身之富婆
羅門言我不用此欲得王頭合我所志時大
月大臣種種諫曉求不迴轉即時憤感心裂
七分死於王前於時其王勅語臣下乘八千
里象通告諸國言月光王却後七日當持其
頭施婆羅門若欲來者速時馳詣尔時八万
四千諸王駱驛而至咸見大王腹拍王前閻
浮提人賴王恩澤各得豐樂歡娛無患云何
一旦爲一人故永捨衆庶更不矜憐唯願垂
愍莫以頭施一万大臣皆身投地腹拍王前

唯見哀愍矜恤我等莫以頭施永見棄捐二
万夫人亦身投地仰白王言莫見忘捨唯垂
蔭覆若以頭施我等何怙五百太子啼哭王
前我等孩幼當何所歸願見愍念莫以頭施
長養我等得及人倫於是大王告諸王民夫
人太子計我從本受身以來涉歷生死由來

長久若在地獄一日之中生而輒死棄身無
數經歷灰河鐵牀沸屎火車炭坑及餘地獄
如是等身燒刺煮炙棄而復棄永無福報若
在畜生更相食噉或人所殺一身以供衆口
破壞消爛亦復無數空棄此身亦無福報或
墮餓鬼火從身出或有飛輪來截其頭斷而
復生如是無數如是殺身亦無福報若生人
間諍於財色瞋目怒盛共相殺害或與軍對
陣更相斫截如是殺身亦復無數為貪恚癡
恒殺多身未曾為福而捨此命今我此身種
種不淨會當捐捨不能得又捨此危脆穢惡
之頭用資大利何得不與我持此頭施婆羅

門持是功德誓求佛道若成佛道功德具足
當以方便度汝等苦今我施心垂欲成滿慎
莫遮我無上道意一切諸王臣民夫人太子
聞王語已默然無言尔時大王語婆羅門欲
取頭者今正是時婆羅門言今王臣民大衆
圍繞我獨一身力勢單弱不堪此中而斫王

十五

十五

頭欲與我者當至後園尔時大王告諸小王
太子目民汝等若苟愛敬我者慎勿傷害此
婆羅門作此語已共婆羅門入於後園時婆
羅門又語王言汝身盛壯力士之力若遭斫
痛儻復還悔取汝頭髮堅繫在樹尔乃然後
能斫取耳時王用語求一壯樹枝葉鬱茂堅
固欲繫向樹長跪以髮繫樹語婆羅門汝斫
我頭墮我手中然後於我手中取去今我以
頭施汝持是功德不求魔梵及天帝釋轉輪
聖王三界之樂用求無上正真之道誓濟群
生至涅槃樂時婆羅門舉手欲斫樹神見此
甚大懊惱如此之人云何欲殺即以手搏婆

羅門耳其項反向手脚繚戾失刀在地不能
 動搖尔時大王仰語樹神我過去已來於此
 樹下曾以九百九十九頭以用布施今捨此
 頭便當滿千捨此頭已於檀便具汝莫遮我
 無上道心尔時樹神聞王是語還使婆羅門
 平復如故時婆羅門便從地起還更取刀便
 斫王頭頭墮手中尔時天地六反震動諸天
 宮殿搖動不安各懷恐怖恠其所以尋見菩
 薩為一切故捨頭布施悉皆來下感其奇特
 悲淚如雨因共讚言月光大王以頭布施於
 檀波羅蜜今已得滿是時音聲普遍天下彼
 毗摩羨王聞此語已喜踊驚愕心擗裂死時
 婆羅門擔王頭去諸王臣民夫人太子已見
 王頭自投于地同聲悲叫絕而復蘇或有感
 結吐血死者或有愕住無所識者或自剪拔
 其頭髮者或復斷裂其衣裳者或有兩手斷
 壞面者啼哭蹤橫宛轉于地時婆羅門嫌王
 頭是即便擲地脚踏而去或復有人語婆羅

門汝之酷毒劇甚乃尔既不中用何為乃索
 此平時婆羅門進道而去人見便責無給食
 者飢餓委悴困切極理道中有人因問消息
 知毗摩羨王已復命終失於所望懊惱憤憤
 心裂七分吐血而死毗摩羨王及勞度羨命
 終皆墮阿鼻泥犁其餘臣民思念王恩感結
 死者皆得生天如是阿難欲知尔時月光王
 者今我身是毗摩羨王今彼旬是時勞度羨
 婆羅門者今調達是時樹神者今日連是時
 大月大臣者今舍利弗是當於尔時不忍見
 我死而先我前死乃至今日不忍見我入於
 涅槃而先滅度佛說是已賢者阿難及諸弟
 子聞佛所說悲喜交懷異口同音咸共嗟嘆
 如來功德奇特之行咸皆專修有得四果者
 有發無上正真道意者皆大歡喜敬戴奉行

賢愚因緣經卷第五

十六末

盤五

縱廣上足反汲音急晃音晃晃音晃
 下胡廣反愴然上初搏

撮上音博下反靡苗彼年稔下殂常瓠護
慨上音灌古既下孽補悲慟積子號七咷成
藹上音蔚下曳於逝反騰徒悲慟積子號七咷成
拍下音駱駱驛二字音矜恤跳音懷挾腹下
帝反瓠裂紆俱陌反

賢愚因緣經卷第六

元魏沙門慧覺在高昌郡譯

快目王眼施緣品第二十七

盤六

如是我聞一時佛在舍衛國祇樹給孤獨園
爾時世尊大衆圍遶而為說法城中人民樂
聽法者往至佛所前後相次時城中有盲婆
羅門坐街道邊聞多人衆行步駛疾即問行
人此多人衆欲何所至行人答曰汝不知耶
如來出世此難值遇今在此國敷演道化我
等欲往聽其說法此娑羅門而有一術衆生
之中有八種聲悉能別識知其相祿何謂八
種一者鳥聲二者三尺鳥聲三曰破聲四曰

李刊

鴈聲五曰鼓聲六曰雷聲七曰金鈴聲八曰
梵聲其鳥聲者其人受性不識恩養志不廉
潔三尺鳥聲者受性兇暴樂為傷害少於慈
順其破聲者男作女聲女作男聲其人薄德
貧窮下賤其鴈聲者言辭辯捷解釋道理必為
國師其雷聲者智慧深遠散析法性任化天
下金鈴聲者巨富饒財其人必積千億兩金
其梵聲者福德弥高若在家者作轉輪聖王
出家學道必得成佛時娑羅門語行人我
能識別人之語聲若實是佛當有梵音汝可
將我往至其所當試聽之審是佛不時行路
人因牽將往漸近佛所聞佛說法梵音具足
深遠流暢歡喜踊躍兩目得開便得見佛紫
磨金色三十二相明朗如日即時禮佛喜慶
無量佛為說法志心聽受即破二十億惡得
須陀洹已得慧眼便求出家佛言善來便成
沙門佛重方便廣為說法即復尋得阿羅漢